

L. D. B. V.

DISSERTATIO INAUGVRALIS MEDICA
DE

ATRETIS,

RECTORE MAGNIFICENTISSIMO,
SERENISSIMO PRINCIPE AC DOMINO,

D O M I N O

GVILIELMO HENRICO,

DVCE SAXONIÆ, IVLIACI, CLIVIÆ, MONTIVM,
ANGARIÆ ET WESTPHALIÆ, & reliqua,

SVB PRÆSIDIO

GEORGII WOLFFGANGI WEDELII,

HEREDITARII in Schwarka /

MEDICINÆ DOCTORIS, COMITIS PALATINI CÆSAREI,
SERENISSIMORVM SAXONIÆ DVCVM CONSILIARII
ET ARCHIATRI,

THEORETICES PROFESSORIS PVBLICI ORDINARIJ,

h. t. PRO-RECTORIS DESIGNATI,

*Patroni & Præceptoris omni pietatis & observantiae cultu
atatem prosequendi,*

PRO LICENTIA

Summos in arte medica honores, Insignia & Priuilegia DOCTORALIA,
MORE MAIORVM, rite capeffendi,

PVBLICÆ DISQVISITIONI EXPOSITA,

SAMVELE IOACHIMO BERTRAM,
PERLEBERGENSI MARCHICO,

IN AVDITORIO MAIORI,

Horis ante- & pomeridianis consuetis,

A. D. Iulij, M DCC IX.

IENÆ, Litteris KREBSIANIS.

VIRIS

Magnificis, atque Excellentissimis,

DOMINO

GEORGIO VVOLFFFGANGO
VVEDELIO,

HEREDITARIO IN *Schwarza*/
MEDICIN. DOCT. COMITI PALA-
TINO CÆSAREO, CONSILIARIO ET ARCHIA-
TRO DVCALI SAXONICO, THEORETICES
PROFESSORI PVBLICO ORDINARIO;

ET

DOMINO
IO. HADRIANO SLEVOGTIO,

HEREDITARIO IN *Schwarza*/
MED. DOCT. ANATOM. CHIR VRG.
ET BOTAN. PROF. PVBL. ITEMQVE MEDIC.
DVC. SAXON. PROVINC. h. t. DECANO

MAXIME SPECTABILI,

VIRIS IN ARTE MEDICA CONSVMMATISSIMIS,
DOMINIS PATRONIS, ET PRÆCEPTORIBVS

ÆTATEM SVSPICIENDIS,

IN OBSTRICTISSIMÆ MENTIS TESTIMONIUM
HANC DISSERTATIONEM INAUGURALEM

DEVOTE OFFERT

SAM. IOACH. BERTRAM.



I. N. I.

PROOEMIUM.



Ecantata est paroemia, naturam nihil facere frustra, laudata ipsi *Pergameno*, cui ἔδεν ἡμῶν ποταμὸν Φόρος, nihil temere agens natura audit, quamvis μάτην frustra aliquando videatur ipsi aliquid fecisse l. 9. *Anatom. administr. c. 4.*

Verissimum est, nihil frustra agere sibi relictam, ordinarie & directe, intentione primaria, quandoquidem omnia certo ordine, fine & modo artificiosissime fabricat. Interim tamen & ludit quandoque, qui lusus sunt amoenissimi & curiosissimi, neque illud frustra, sed ut tanto curatius inquirentem invitet.

Visuntur etiam aberrationes quaedam, si ita dicenda sunt. Dum operatur, dum occupata est ad praefixam a summo creatore ideam, aliquando

4 DISSERTATIO INAUGURALIS MEDICA
turbari potest & solet, neque illud tamen frustra,
quamuis non æque causa profundior pateat.

Peruidit id iamdudum *Philosophus*, qui satis accurate de his tractat *l. 4. de gener. animal. c. 4.* ubi de monstribus & monstificis translationibus & mutationibus agit, quod inprimis in generatione animalium accidit.

Ex his selegimus inpræsentiarum de ATRETIS *Ἀτρεΐσι*, utpote utilem & iucundam, siue theoriam, siue therapiam respicias. Hoc ut feliciter eueniat, diuinum humillime exoramus Numen.

CAPVT I.

De

Nominis & Rei Evolutione.



T plurima alia nomina ex Græcorum Professorum scriptis in scholas medicas tanquam classica recepta sunt, frustra meris Latinis vocibus reddenda, quippe notiora usu iam ipsis aliis: ita & ATRETORVM appellatio, eaque admodum rei congrua & symbolica, utpote ex mechanica nata, hunc censum subit.

Non reperitur quidem ea apud *diuinum senem*, quantum nouimus, rei ipsius tamen notio & denominatio non semel occurrit, ut, quando *l. de nat. puer. c. 7. t. 7. αἱ δὲ μῆτραι μὴ χαλῶσι*, inquit, *Pteri autem non bianerint*, sanguinem
inibi

inibi detentum & inclusum remorantem diutius, quæ symptomata pariat, describit. Alibi nominat στενόςµας, quæ angustum habent orificium, vel conclusum; ὡς µὴ δύναται ὁδὸν ἐξω εὐρεῖν, *vt nequeat exitum inuenire*, l. 1. de morb. mul. c. 3. t. 2. § 4. Meminit iterum τὸ σῶμα τῆς ἐξόδου µὴ ἀνεσπώµενον, *osculum exitus non apertum* l. de virg. morb. c. 2. t. 5.

Omniū optimus vero locus est l. de nat. muliebri c. 6. t. 1. Vbi scribit: ἢν αἱ μήτρας ἀψύονται, *si vteri agglutinati fuerint*. Et c. 7. t. 1. ἢν ἐμπλοχθῇ τὸ σῶμα τῶν μήτρων, *si complicatum fuerit os vterorum*, & reliqua.

Ast apud Galenum, Paulum, Aetium, & Scriptores Gynæciorum Græcos solennis hæc vox est, ita vt in Latium recepta ordinarie & præcipue legatur. Origine scilicet Græca est, ἀτρητός enim idem est, ac quasi dicas *imperfossatus*, Ouidiano vocabulo imperfossus. Et quidem, vt Etymologicum magnum docet, ἀτρητός τῶν τρεῶν, aut τρητός καὶ ἀτρητός μετὰ τῆς στερητικῆς α, *forata, perforata, imperfossata*, cum alpha priuatiuo, seu negatiuo.

Ad illustranda ac demonstranda hæc vberius facit non parum, quod antiquissimis medicis, quæ caua aperta studio naturæ esse oportuit & relinqui, perforata dicta sunt. Instar omnium sit locus *diuini senis* l. de loc. in homine c. 4. t. 2. vbi expressis verbis, quod corpus, vt alibi ἀτρητόν, *perforatum* est, ita seorsim & primo τὰ περὶ τὰ ὠτὰ πέραξ νεφεία, *vacua seu caua, circumcirca aures memorantur*. Vbi & τρητός *foramen* per membranam, & τρηµα κατὰ τὰς ρίνας, *foramen circa nares* negatum dicitur. Posito hoc rectissime ἀτρητοὶ audiunt, quibus hæc vel illa foramina desunt.

Hoc ipsum ergo vocabulum in scholis medicis elliptice

notat loca non patula, & imperuia, quæ secus habere debeant, morbose, vitiose, desumpta metaphora a mechanica lapidum, lignorum aliorumque, imperforatorum vel perforatorum, habito ad alterum respectu.

Cumque nomen hocce prædicatum sæpius legatur de foeminis, usu tyranno quasi loquendi, primitus apud Græcæ linguæ imperitos, hinc ob consuetudinem abusive dicti sunt atretæ fere magis, quam atreti, quod tamen ad distinctionem sexus, vel generis saltim minus decebat. Passim hoc legas, sed minus recte, confusis sic inter se illis. Rectius enim atreti dicuntur viri, atretæ de foeminis prædicantur, si Grammaticas leges, ut par est, sequamur.

Ut vero melius significatio vocis atretorum emineat, quid denotet & quantum, optimus est locus in *introductione*, seu medico, Galeno non immerito adscripta consignatus, ubi οἱ δὲ λεγόμενοι ἀτρετοί, εἴτε τρημα ἔχουσιν ἄνοιαν, εἴτε μολόως, qui dicuntur atreti, siue foramen habeant terrene, siue nullum omnino.

Ex his facile patet latitudo quædam, & hinc nominum distinctio, etiam synonymorum visorum. Hinc, primi generis affectus inprimis, dicitur translate etiam Φίμωσις, καὶ Φίμωσις, ut, quando deduci non potest satis præputium, cui id καὶ ἔξοχόν tribuitur; vel anus quoque, ut intelligatur colligatio & angustia, siue coarctatio, quæ quasi callo quodam in sede atque ano contingit. Et hoc sensu venit apud Galenum l. 9. de comp. med. sic. loc. 2. c. 6. & Paulum l. 3. c. 73. ubi dicitur Φίμωσις οἷς τὸ σπῆμα τῆς ὑστέρας, ἢ δι' ἑλκωσὶν περιγεμμένον, ἢ διὰ φλεγμονὴν σπινθηροειδῆσαν. Loci muliebres circa uteri os clauduntur vel ex precedente exulceratione, vel duxta illic inflammationem. Saltim & sic distinctius concipi & exprimi species possunt & gradus affectus.

Quod

Quod si Latinos alios flosculos attendamus, & nomina, quibus insignitus idem affectus legitur, vbertim illos velut collectos legas apud *Ianum Rutgersium Var. Lect. l. 3. c. 18. p. 302. f.* Ita enim elegantur *Tullius l. 2. de Divinat. c. 70.* obsignatam naturam dixit. Parere quædam matrona cupiens, dubitans, essetne prægnans, visa est in quiete *obsignatam habere naturam*, (ad coniectorem) retulit. Negavit eam, quoniam obsignata fuisset, concipere potuisse. At alter prægnantem esse dixit, nam inane obsignari nihil solere.

Aliis loco atreti audit concretus, *σπυμξίς* Græce. Sic *Plinius Nat. hist. l. 7. c. 16.* quasdam, inquit, concreto genitali nasci, infausto omine, *Cornelia Gracchorum mater* indicio est. Repetit idem *Solinus c. 4.* foeminis perinde est infausta natiuitas, si concretum virginal fuerit, quo pacto genitalia fuere *Corneliae*, quæ editis Gracchis ostentum hoc piauit sinistro exitu liberorum. Vbi *Delrio* falso legit confertum. Vid. *Salmasius in Exerc. Plinian. ad h. l.*

Sunt, qui & *velatas* vertunt, quasi quod ipsarum matrix sit velo obducta; imo & *marmoratas*, vt plura alia non congeramus, quæ singula satis egregie & accurate exprimunt affectus notionem.

His expositis non difficulter res ipsa claret, vnde DEFINITIONEM sequentem damus: Atretorum affectus est obstructio meatuum secundum naturam patulorum, cum primis in pudendis, a coalitione tenuiori, vel crassiori, non concesso exitu vel transitu.

GENVS, seu rationem formalem, constituit obstructio morbus communissimus, morbus conformationis, in via, meatibus & cauitatibus, porta, aditu, exitu suo instructis. Cum vero plures, sub hoc genere morborum Conformationis,

tionis, militent species, vt nullum fere latius patet, DIFFERENTIAM SPECIFICAM constituit obstruendi locus magis accessus, materia, modus, & causa. Vti enim tot species sunt obstructionis, quot modi angustationis seu occlusionis in cavitatibus & ductibus dantur; ita hoc loco rem omnem definit & distinguit a reliquis inprimis coalitio laterum, vt quæ diuisa, &, si non patula actu, tamen suo loco & tempore patere apta, & solita requirebantur, talia non sint, sed vniantur non vnienda, & porta patens non sit.

Cumque definitiones medicæ loquantur & intelligendæ sint de exquisito magis morbi statu, facile simul subsumere licet de eiusdem ambitu, & remissione, vel intensione. Satis enim est adesse occlusionem omnimodam, vel quasi.

CAPVT II.

De

Subiecto.

E Volutis atque discussis nebulis circa definitionem nominalem & realem sese exhibentibus, nunc primum locum sibi vendicat SVBIECTVM, cum non parum intersit nosse, qua in parte corporis remora infixæ hæreat & resideat.

SVBIECTVM DENOMINATIONIS, vt QVOD, concinnis atque clarissimis verbis edicit *Celsus l. 7. c. 28.* Hoc, inquit, malum commune esse maribus & foeminis potest; proprie vero quædam ad foeminas pertinent, vt inprimis, quod earum naturalia nonnunquam inter se oris glutinatis concubitus non admittant.

Hæc

Hæc ut in latitudine sua accepta asserta bene habent, ita in aliis se exerunt statim a primo ortu in infantibus, in aliis demum sequentibus ætatibus, seu subiectum spectemus, ut hoc loco, seu causam.

INFANTES ergo tanto magis attendendi hac labe affecti, quanto periculosius degunt, post, quam ex utero egressi sibi vivere magis occipiunt. Scorsim vero & SEXVS. Enimuero & viris id competit, neque exempti sunt hoc reatu, quoad partes cum sequiori communes. Ast cum seorsim alias portas & vias obtineant foeminae, easque non tantum diuersas, verum etiam pluribus cauitatibus præditas, facile inde efficitur, respectu harum frequentius etiam in hoc suos pati manes; seu genitalia respicias, seu papillas mammarum, atretas quasi naturaliter, & sine vlla noxa, vel morbo, in viris visendas ordinarie.

Ad bruta & alia animalia tam quadrupedia, quam volatilia, ut diuertamur, vix quidem opus esse videtur, cum ob sensus acumen hebetius & inconstantem imaginandi vim rarius tales errores in foetum transmittant; attamen plane exclusa neutiquam credenda, exemplis testantibus, partim alia monstra in iisdem occurrere, partim etiam atretas. Ipsimet atretam vaccinam olim vidisse recordamur, quæ clausa prius non cognoscebatur, quam cum veterinarius accedens omnes partes bene lustraret, & tandem ad locum affectum perueniret. Sic & columbam diarrhœa diuturna laborantem concreuisse & vitam expirasse nouimus. *Borellus* quoque agnum absque podice natum notauit, (seu ano non perforato,) qui tamen curatus fuit apertione, ita ut vixerit, *cent. 3. obs. 9. p. 203.*

SVBIECTVM INHÆSIONIS principale sunt omnes cana-

les atque ductus totius corporis externi, in ambitu suo considerati, & exitu præditi. Quoniam vero nonnulli horum magis & frequentius, alii minus & rarius affici amant, distinguere possunt in primarios & secundarios, ut pateat, quoniam agmen magis ducant, & præ aliis hanc labem subeant. Eodem res redit, si strictius has & magis proprias, latius paulo alias dari concipiamus.

Ut vero adæquate & in internis ductibus & cavitatibus talis casus dari queat, uti de pyloro coalito vel quasi memorant nonnulli, ne de intestino cæco, & aliis, vel vesicæ etiam orificio interno dicamus; frequentius tamen illæ obstructions alterius fere sunt generis, neque hoc nomine communi loquendi usu hinc gaudent, ad angustationes v. gr. magis referendæ, & clausuras alias.

Formam itaque affectus illustrat subiecti localis seu ut quo consideratio generalis & specialis. Illam constituit cavitatis accessus, extima, vel quasi, limitanea, manifesta ceteroquin & patula, velut callo quodam obducta quoad parietes, contigua quidem, sed non continua, hians saltem ad certum actum immissionis vel emissionis.

Hanc vero determinant hinc & sustinent loca tali conditione gaudentia, quæ breuiter ordine videre integrum est. Prodeant primo loco atretæ foemellæ, quarum clausura omnibus reliquis quasi antecellit. De hac optime agit, ne plures laudemus alios, ex antiquioribus fusius *Ebnsteinus* l. 3. fen. 21. Tr. 4. c. 1. ex recentioribus concisus *Sennertus* l. 4. prax. part. 1. §. 1. c. 3. Est, inquit, triplex atretarum seu clausurarum genus. Etenim clausura hæc est vel in orificio pudendi, seu pudendi alis, vel in ceruice uteri, seu intermedio loco, vel in ipso uteri orificio.

Quam-

Quamuis vero, si strictius singula prosequi velimus, vel quatuor possint tales clausuræ portarum dari, si labia interna, seu nymphas & alas seorsim spectemus, coalescere posse; vix tamen id opus fuerit, quin tres hi modi abunde sufficient.

Prior modus omnium maxime obuius esse potest, alter medio modo se habet, tertius obscurior magis, & intimioris indaginis, vt sub signis id reperemus, ipsaque therapia. Singuli suos habent gradus, & diuersitatem non vnā.

Fallor? an huc etiam decantata membrana & Græco hymenis nomine celebrata referri mereatur. Hanc alii angustiae adscribunt, alii conuiuentiae caruncularum myrtiformium, alii actuali membranae, eique etiam perpetuae, & in quarto quasi modo propriae. Sufficit nobis, ne extra scopum nostrum euagemur latius, non esse essentialē & proprium virginitatis genuinae argumentum talem membranam, vt, quæ eadem careant, stupratae habendae sint, sed vel lusum saepe naturae, vel ad atretas quoque aliquando referendam; imo in quibusdam inferius & extrinsecus magis occurrere, indeque oriundam sanguinis profusionem non absolute & semper esse necessariam.

Quod vero non semper pateat, vel manifestetur hæc clausura, & physicae & morales causae satis edocent, quandoquidem ita comparata est, vt vnusquisque ex masculis ægerrime patiatur hæc loca, etiam urgente vsu, intueri, nedum in virginali hoc statu, & vbi nulla æque vrget necessitas: qua exerente se, nec tunc æque fit admissio. Nouimus sic vnā alteramque foeminam inaccessam viris maluisse consenescere, & sibi viuere, quam illum intempesti-

num pudorem exuere. Adeo, verbis *Celsi*, eorum etiam curatio cognoscenda est, quæ inuitissimus quisque alteri ostendit.

Alterum ex pudendis atretis locum occupat *anus*. De hoc imperforato in utroque sexu pleni sunt autorum plurimorum libri, quos largo numero congeffit *Waltherus in Sylva medica p. 74.* facile ex hinc inde colligendis & repariundis augendo numero, ut non opus sit illos huc transcribere, cum in reliquis capitibus quoque huius occurrat mentio.

Ne tamen sicco prorsus pede omnia prætermittamus, exprimere quosdam licebit. Sic *Paulus Ægineta l. 6. c. 81.* anus imperuius in infantibus ab ortu interdum reperitur, ex membranæ obductione. *Hier. Fabricius ab Aquapendente in Chirurg. Operat. p. 284.* interdum nasci pueros, scribit, cum ano non perforato, quod dupliciter contingit, vel enim in eo foraminis saltem vestigium apparet, vel nullum conspicitur. *Borellus Cent. 1. obs. 77.* vidit puerum podice imperforatum, qui vero, quia tarde foraminis illius defectum animaduertit, antequam operatio celebrari potuerit, e vita discessit. Vtterius vid. *Hildanus Cent. 1. obs. 73.* *Sculdetus in Anatom. chir. p. 165.* *Sennertus l. 3. pract. part. 2. §. 1. c. 3.* & alii.

Tertio loco esse possunt atreti quoad glandem & mentulam virilem, hunc censum quoque subeuntes, & passim apud authores obuii. Sic *Paulus l. 6. c. 54.* Multis, inquit, a natali die glans minime perforata est. *Arnat. Lusitanus cent. 1. cur. 23:* Infans natus annos duos, ab ortu suo glans illi perforata non fuit, nec vestigium aliquod in ea, ubi foramen esse debuerat, apparebat; ad radicem tamen eius prope testiculos foramen erat, per quod lorium non guttatim

tim fluebat, sed directe emanabat. Plura exempla videntur apud *Wierum l. 1. obs. p. 943. Horstium l. 4. obs. 16. Sennertum lib. 3. p. 9. s. 1. c. 10.* alios.

Et hæc loca sunt, per dicta, omnium præcipua, quibus addi possunt reliqua quoque atretorum exempla secundum ventres reliquos.

Oculos ipsos duplici loco coalescere observatum est, tum quoad palpebras, ut aperiri non potuerint, tum quoad tunicam adnatam ipsi bulbo, quod ab ulcere, ab iniecto pulvere calcis viux, ab ophthalmia etiam tale quid enatum vidimus, frustra bis sectione facta.

De illis omnium instar legi meretur *Celsus l. 7. c. 7.* Interdum, ait, inter se palpebræ coalescunt, aperiri que non potest oculus. Cui non raro solet etiam illud accedere, ut palpebræ cum albo oculi cohærescant, quod ἀγκυλοβλέφαρον Græci vocant. Alii adhæSIONem, coalitionem, conglutinationem accusant. Videri quoque adhæc possunt *Paulus Ægineta l. 6. c. 15. Actius tetrab. 2. s. 3. c. 64. Guil. Fabricius obs. chir. cent. 6. obs. 7. Ioustonus id. med. pr. l. 8. t. 3. c. 1.* & alii plures.

Idem de auribus verum est, & valet. Imo ausimus dicere, nullam esse partem peruiam, quæ non obstrui possit, nullam portam, quæ non coalescere. Idque, eiusdem *Celsi* effato *l. 7. c. 8.* solet euenire, vel a prima natali die protinus, vel postea, facta exulceratione, deinde per cicatricem aure repleta, ut foramen in ea nullum sit, ideoque audiendi usu careat.

Hæc, si velimus ad omnes alias species atretorum, applicare, iisdem verbis, mutato saltem loco, effari possumus & concipere seu prædicare. Similium enim & hic ea-

dem est ratio. Vid. *Paul. Aegineta l. 6. c. 23. Tb. Barthol. hist. anat. rar. cent. 6. hist. 36. Melch. Sebit. manual. s. specul. med. pract. T. 1. part. 2. s. 6. c. 8. &c.*

Idem de ore & commissura labiorum certum est, cuius rei insigne exemplum habet *Horstius*, quod inferius recensebimus, & *Sennertus l. 2. prax. s. 1. c. 6.* vterque enim modus & hic, & in aliis locum habet, ut si non atreti sint primi modi, ob coalitum membraneum, tamen secundi modi, per excrescentiam.

Et sane ipse angustus faucium *pharyngis* & *laryngis* ita quoque obstrui coalitu mediante potest. Quidam *Zythopæus* ante quamplures annos laborauerat per aliquod tempus excrescentia tali, quæ neglecta ita tandem excreuerat, ut tandem plane fame moriendum esset ob magnitudinem, & chirurgiam inaccessam.

Non minus circa *nares* idem visum fuit, de quo consulantur *Aetius Tetrab. 2. s. 2. c. 96. 97. Ebn sina l. 3. fen. 5. sr. 2. c. 6. 7. 8. Oribasius l. 8. Synopsis. c. 56.*

Tacemus etiam in his vtrumque modum obtinere, vel membrana obducta, vel excrescentia, eaque coalita, quod in polypo aliquando, nimium quantum excrescente & distendente, vidimus. Vtrobique est obturatio, cum coalitu vero proprie magis dicta, & sic atretis conueniente.

Imo nec desunt, qui in *artubus* extremis tale quid passi sunt, ut testatur *Cels. l. 7. c. 32.* ubi curationem digitorum coherentium tradit, si vel in utero protinus, vel propter communem exulcerationem postea cohæserint. Vid. & ulterius *Marc. Aur. Seuerin. de effic. med. c. 104. p. 113. Pyrotechn. Chirurg. l. 2. p. 1. c. 69.*

Denique nec *papilla* mammarum intactæ sunt relin-


quen-

quendæ, seu oblitterentur penitus, ab abscessu, vel defectu, vel imperforatæ sint, quo de *Blasius med. vniuers.* p. 6. s. 2. c. 12. p. 196. legi potest.

CAPVT III.

De

Causis.

T omnis effectus testatur de sua causa, & ad demonstrationem, adeoque scientiam genuinam, vtrumque nosse par est; ita idem etiam circa atretorum notionem merito attendendum venit. Neque enim morbum vel nosse vel curare integrum est, nisi causam nouerimus, & vtrumque hinc artificiose auferamus.

Vix melius ad causarum lustrationem procedere possumus, quam si medicis autoribus iungamus præuium Philosophorum Principem. IMMEDIATAM nempe sine dubio constituit vno verbo *σύμφυσις*, *unio*, coalitus, concretio, vnitas indebita, coagmentatio, cohærescentia, connascentia, si ita loqui licet. Hac enim posita in partibus alias per naturam diuisis, nec vnitis, adest morbus; & illa ablata, ita quidem vt talis maneat, tollitur.

Expresse hanc ipsam nominat *Philosophus l. 4. de generat. anim. c. 4.* vbi semel iterumque, tanquam in sede, de hoc affectu meminit, tum in genere *τὸ συμπεφυμέναι*, tum in specie *συμπεφυμέναι τῶν πόρων*, coalitus pororum, vel fibrarum potius, per poros.

CAUSA MEDIATA PROXIMIOR, eiusdem verbo *l. c.*, optime, & simplici effato laudari meretur *σύναψις*, id est, *contactus*,

tactus, intimior scilicet, coniunctio, copulatio, talis quippe coire facit, ferruminat, conglutinat, coniungit, etiam vi vocis emphaticæ.

Quamobrem, vt hæc magis pateant, non intelligimus contactum tam solidorum, ita enim contingunt se, quamplures memoratæ portæ, anus, penis, labia, & reliqua, quam fluidorum; non contiguum externum, & superficialium, sed continuum, & intimiorem, seu internum.

Cum enim omnes partes solidæ, ipsaque ossa, ungues & pili, agnoscant originem suam ex fluidis, quæ sunt solidarum elementa, vel a posteriori etiam in adultis id patet, quomodo coalitus talis fieri soleat & possit.

Enimvero si circulatio sanguinis limitanea & definita esse definat, pariete intergerino veluti diruto, vndecunque demum, vel a sola ligatura constanti, id fiat, simul confluentia fit, vt ita loquamur, seu *ἐϋρροια μία*, ex illa communione, ex illa *συνάψις* reuera fit coalitus, & sic atretus, vel atreta. Q. E. D.

Sed videamus iam porro causarum ordinem reliquum, seu remotiorum quoque loculos. Si ex REMOTIORIBVS SUPERNATVRALES laudare velimus, vt in omnibus morbis, ita & extraordinariis talibus magis, merito etiam Creatoris O. M. formantem manum, & τὸ θεῖον varians exosculari par est. Quando hinc in sacris, vt non semel factum legimus, clausi vteri a diuino numine fit mentio, hoc ipso donum foecunditatis & conceptionis vnice eidem recte asseritur, & liberos esse diuinum munus. Non æque vero tam actualis & physicus coalitus vteri, qualis est in atretis, proprie intelligendus, nostro quidem arbitrato, quam sterilitas ipsa, videtur.

Ad dæmonis vero insidias, vel concursum, vtpote non nisi limitatam & concessam nocendi vim, tum a diuino Numine potissimum, tum, iuxta *Helmontium*, ab homine venefico habentis, non temere & hic recurrendum est.

Ex mediatis remotioribus NATVRALIBVS laudari potest DISPOSITIO HEREDITARIA, quatenus idea peregrina, intimius spiritibus impressa, inordinationes eiusmodi in coalitu quoque aliquando patrare vel inuitare consuevit. Nouimus integram familiam, quæ digitorum coalitionem multifariam offerre solet, vt modo duo, modo tres cohæreant, & non vno modo vniti visantur, indeque & figura & numerus variare obseruetur.

Sunt, qui angustiam vteri laudant, vt *Blasius l.c. cap. 15. p. 261*, si ob positum arctiorem pars hæc vel illa prematur magis, vt, adhæSIONem sic sortita, coalitum pariat. Quorsum & motus spasmodici, casus matris, indeque læsio embryonis localis, referri possunt.

Astrologi ab infaustis Veneris genetricis (ab Ethnicis & in nummis antiquis) vocatæ aspectibus etiam monstra, eunuchos, hermaphroditos & atretos fieri volunt, nominatim, si iuxta *Ptolemeum in tetrabibl. l. 3. c. 16.* a Saturno vel Marte infaustis aspectibus lædatur; vbi eleganter *Proclus* atretas describit *μὴ ἔχοντας τευπήματα, μὲν δὲ διέξοδον, homines foramine ac exitu destitutos.*

Tacemus ætatem tenellam in embryonibus, vbi omnia sunt mollia & filamentosa, vt facile confluere succus nutritius possit, & coire fibrillæ membranæ non satis firmæ, maxime si humores viscidi, lenti, magis obtingant.

Ex classe causarum NONNATVRALIVM illa huc spectant & conferre symbolum queunt suum, quæcunque aberrationi

tioni vel inordinationi idearum formatricium, seu archei, seu spirituum, seu naturæ, *Quous δὲ τοῦ Φύσεως* dictæ, vtcunque nominaueris, quandam remoram interfingere vel inferre possunt.

Posito enim vno absurdo vel inconuenienti in delineatione illa typica, facile ponuntur plura, vnde id cum monstris, næuis maternis & aliis anomalis atreti habent commune. Obiecta enim incurrunt in sensus, quos mouent, sensus in spiritus, spiritus in humores, humores seu fluida in partes solidas agunt.

Cum itaque foetus in vtero nutriatur, auge scat, formetur, secundum suum ordinem impressum a summo statore, etiam in figura & nominatim ad coalitum fieri & imprimi potest dispositio. Idque inprimis valet in delicatioribus, debilioribus, tenerioribus, quoad spiritus, humores & texturam reliquam, vnde & non promiscue id fit.

Principem hinc tenent locum, præter alias omnes, ex nonnaturalibus, ANIMI PATHEMATA, ira, terror, tristitia, moeror, curæ & reliquæ passionēs animæ, quæ matrem, & in hac matricem reddere possunt indispositam, interturbare spiritus, percellere & alterare. Cumque infans viuat vita matris, in hunc deriuatur labes facile, vt vel næui, vel excessus, vel defectus, vel vno verbo in vniuersa conformatione mechanica consurgat facilis error ac labes, vt taceamus CIBOS viscidos, lentos, mucilaginosos, gelatinosos, aliosque errores in diæta commissos.

Nec PRÆTERNATVRALES causæ morbificæ abludunt, quin vel connatam talem clausuram vel adscititiam inferre visantur, non raro etiam in adultis, seu reliquis ætatibus.

Faciunt huc sectiones, vlcera, vulnera, tumores, crescen-

crescentiæ, tubercula, & læsiones violentæ aliæ, vnde concretiones, calli, contracturæ & læsiones hinc variæ. Sic v. gr. pessime vti plurimum cedere solent & coalitum inuitare sectiones quæcunque oculorum. Ita cum a cal-
cis viuæ insperione oculus labem contraxisset, nebulam & crassamentum post se trahens, hoc pacto coalitio longe maior successit. Quidam scholæ collega cum nescio quam sectionem sustinuisset, ad auerruncandam carunculam, inde manifestum coalitum patiebatur, &, reiterata hoc nomi-
ne sectione ab empirico, peiorem recidiuam in se deriuabat, coalitionem maiorem priori.

Ita vulnera, vlcera, partium contiguarum, nisi interstingantur, vel colligentur potius, manifesto & breui cohærent, id quod in ossibus ipsis accidit, & eorum articulationibus. Quidam Chirurgus, neglectu hoc in brachio fracto, priuilegium motus huius inflexorii amisit non vtendo, facta coalitione, vt vnirentur improuide, quæ distincta esse oportebat.

Manifestum exemplum est caruncula penis, cui nisi obuiam eatur, per condebita absumentia, periculum subit coalitus, & consequenter ischuriæ. Idem in ano contingere potest, seu ficus & condylomata ibi enascantur, neglecta, seu excrescentiæ aliæ fortiores, mortem sensim tandem offerentes, obturato & occluso tandem penitus angiportu, & sectione tantum non exacerbatione maiori facta. Ne repetamus, posse & intra corpus talem, in cavitare aliqua hic illic, contingere per coalitionem, obstructionem, ex eadem causa.

Partus item difficilior aliquando coalitionem vaginæ induxisse visus est, vnde conceptio quidem hinc fieri po-

tuit, minus tamen exsolui foetus exitum ambiens; ne dicamus, quasdam, constrictionem amplitudinis quaerendo, hinc poenam conaminis luere visas, maiori & impenetrabili fere angustia.

Tacemus & alia fermenta morbosa, saltem in adultis, posse non parum ad hæc talia conferre. v. gr. scorbutica, vel venerea quoque, vtraque putrilaginem lymphæ, viscedinem, acrimoniam, coagulata[m] respectiue, habentia. Venena item & obuiscantia varia ac adstringentia, vnde hæc monstra obueniunt in medicina.

Inde vero siue fibræ membranæ, tenues saltem, in superficie coalescant, seu fibræ magis carneæ conglomerentur & extuberent, vtroque modo obstructio cum laudato sæpius coalitu parietum enascitur.

Atque hoc est duplex illud velamentum, iam tactum, quod vt signum & vt causa considerari amat, id quod in atretis omnes fere autores agnoscunt. Dudum vero & huius mentionem facit claris verbis, merito huc applicandi, *Cous l. de arte, c. 17. t. 8. πᾶν τὸ ἀσύμφυτον, ἢντε δέρματι, ἢν τε σαρκὶ καλύπτεται, κοῖλόν ἐστι. Omne inconcretum, (quod non coaluit,) siue pellicula, siue carne contegatur, cauum est. Confer eundem l. de carnib. c. 3.*

CAPVT IV.

De

Differentiis Atretarum.



X hæctenus assertis facili negotio DIFFERENTIÆ affectus erui possunt. Ratione GENERIS enim, alia est *vera*, exquisita, perfecta, plenaria & proprie dicta, a coa-

a coalitu talis: alia *ἀνύγως*, ab obstructione, alia *spuria*, imperfecta, intentata magis. Alia recens, alia radicata, alia curabilis, alia incurabilis, alia æqualis magis, alia inæqualis, alia recidiuans.

Ratione CAUSÆ, alia est *natiua*, connata, a primo ortu & natiuitate; alia *adscititia*, morbosa, acquisita. Alia porro *membranosa*, alia *carnosa*. Quin imo tot differentiarum occurrunt, quot causæ.

Ratione SVBIECTI, alia est *simplex* & solitaria, quando ex sæpius nominatis ductibus vnus tantum præcluditur, v. gr. tubulus intestinalis, vel vrinarius, vel alius &c. Alia *composita* quasi, & geminata, si ex prædictis tubulis duo imperforati sunt, v. gr. si anus & genitalia imperuia simul deprehenduntur, quod tamen rarius visum est. Alia est *superficiaria*, exterior, ad quam liber accessus datur; alia *profundior*, interior, & magis radicata, vbi tam prompte oculis & manibus pertingere non licet; alia est *media*, ad quam inuestigandam instrumentis opus. Sic consequenter alia est *patens*, oculis obuia; alia *latens* paulo, ad certum tempus delitescens, vt in genitalibus foemineis, & aliis.

CAPVT V.

De

Signis diagnosticis & prognosticis atretorum.

Vamuis in atretis vix videantur SIGNA DIAGNOSTICA necessaria, cum obuiæ sint occlusæ portæ, & statim quasi pateant non raro; tantum abest tamen, vt ne-

gligi hæc debeant, vt potius summe sint necessaria. Neque enim omnes species & loca æque parent, vel attenduntur quoque confestim, quin sæpenumero etiam hic occurrat fallacia non causæ, vt causæ.

Ratione GENERIS itaque dignotio morbi sensibus minimum inquirenda est in genere. Vbicunque vel adest, vel præsumitur saltim clausuræ præsentia, opus est (1.) *oculari inspectione*. Patet id facillime in infantibus recens editis, modo huc dirigantur oculi, v. g. si podex sit imperforatus, si urinæ exitus occlusus, si labia, oculi, & sic porro obturata visantur.

Vti vero mature in illis de his prospiciendum est; ita de reliquis in progressu saltim, si in quæstionem veniat status atretus, inquirendus vel inuestigandus, vel inspectio ipsa locum habet.

Opus est (2.) *tactu*, vbi intimius paulo residet morbus, & locus affectus minus visui obuius. Præcipit id ipse *Cous*, ἀψῆ, *contingas*, inquit l. de natur. mul. c. 62. t. 1. & l. 1. de morb. mul. c. 36. t. 1. ἢν γονὴν μὴ δέχεται ἡ γυνή, τῶν γυναικῶν κατὰ φύσιν ἐχομένων, ἢ μὴν γὰρ ἀπεργάζεν τὸ σωματικὸν ἔσθαι. *Si mulier non excipit semen, mensibus secundum naturam proceduntibus, membrana preposita est*, & l. de sterilit. c. 13. t. 1. addit, πᾶσαν ἀνάγκη μὴν γὰρ ἀπεργάζεσθαι ὅτι τὸ σῶμα τῶν μετῶν, *necessum est membranam superexeruisse in osculo vterorum*.

Hic enim est, natura præside, turpe nihil; siue id digito exploratore, medio illo, vel alio quoque, vt pollice ipso, fieri queat, siue candela cerea minore, seu specillo quoque aliisque mediis. Vti sunt, qui speculo vterino quoque vti iubent, quod tamen difficiliter fere admitti consuevit, vel adhiberi quoque. Vbi.

Vbiuis vero, quod *Celsus* l. c. l. 7. c. 8. exemplo auris hinc docet, attendendum. Quod vbi accidit, *inquit*, specillo tentandum est, atene id repletum, an in summo tantum glutinatum sit; quod hoc loco ad diagnosin satis est, vbi & plura egregia habet, huc addenda, ad curationem.

Ratione SVBIECTI ergo, vnumquodque membrum, cuius orificium, etiam laxius sumptum, obturatum vel ἀρτηρον est, seorsim, quoad hæc & alia, considerandum, quænam pars, & quousque laborans, seu affecta. Hic vero & illud monendum, cauendum esse, ne error in diagnosi hac fiat, siue obstructionem aliam habeamus pro coalitu, differente causa; siue ponamus & concipiamus atretam, nam in foeminis id κατ' ἐξοχὴν opus est, quæ talis non est, nisi fictitia & putatitia.

Exemplum tale insigne legi meretur apud *Ammanum* in *Irenico* p. 154. vbi quædam virgo, pro atreta habita, iudicialiter rescissionem matrimonii passa, ab alio postmodum iuvene quadrato & maxime neruoso inita, citra dolorem & resistantiam, imprægnata, & sic priori marito apta reddita legitur.

Tacemus, ob simplicitatem nouellorum coniugum, tale quid contingere, non vno errore, donec meliora ad processum necessaria fuerint edocti; ob procidentiam item, etiam in virginibus dabilem, nec semel sed iterum iterumque visam, & aliis de causis talem statum fingi posse.

Dantur etiam casus, vbi ob intempestiuum pudorem foemina, & simplicitatem, ac patientiam mariti, cognitio subiecti & causæ fieri non potuit. Ita nouimus rusticam foeminam vel ideo incurabilem, quod nunquam, vt inspectione

speciem vllam concederet, persuaderi potuit, sibi hinc relinquendam, cum patientissimo suo marito.

Cum itaque præcipuum quasi subiectum constituat vterus, huius signa perpendi merentur. Si extremitas vteri extima, seu pudendum ipsum clausum sit, id maxime obuium est, & difficultate caret, salua inprimis vrethra pro vrinæ emissionem. Reliqua vero clausura patitur moram ad annos vsque pubertatis.

Sin vagina, seu aditus medius, coalita fuerint, id non nisi diductis labiis, vel dictis iam modis, vel, quod fere melius & certius iudicatur, instrumento etiam eburneo, quod *μντρεγχύτα* vocant, vt apud *Ammannum l. c. Iren. p. 155.* exploratur.

Altioris indaginis & rarius paulo est clausura quoad orificium internum, de quo vid. *Cous l. cit. de steril. c. 13. t. 1.* siue a connato vitio idem præsumatur, seu mutato per varia accidentia statu priori. Et hæc contactu profundiori eget, quamuis magis a posteriori & symptomatibus coniunctis id colligi debeat. De reliquis vt plura specialia dicamus, vix opus est, similium enim & hoc loco eadem est ratio.

Signa CAUSARVM ad duo summa illa laudata genera referenda, quæ vna modum exprimunt. Si sola simplex membrana adsit, cum vestigio quodam loci ordinarii, v. gr. ani imperforati, cum mollitie, & facili cessione, causa est faciliior vt cognitu, ita auferenda quoque. Sin excrecentia sit dura ad contactum, & minus locus patulus, eaque vel æqualis, vel profundius etiam radicata, alter hic modus & grauior causa. Vlcera prægressa & alia e signis *ἀνὰ μνηστῆρός* huc referenda.

Visendum vero hic quoque inter signa, an aberratio sit limitata, & alio loco quasi restituta, ut si vrina ad anum, vel feces alui aliorum, imo ad os ipsum emanent. Vid. hic *Io. Thom. Minadous de corp. turpitud. l. 1. c. 18.* qui in puella, cui anus imperforatus fuit, intestinum rectum in antrum vaginale terminare deprehendit, ne alios plures laudemus.

Faciunt huc denique symptomata, seu postessentialia phaenomena, quæ ipsam quamcunque clausuram sequuntur. Sic ano clauso adstricta est aluus, nec quicquam secernitur, fiunt ventris intumescencia, dolor, vomitus ileus, vrina retinetur, & huius regurgitatio versus *πρὸς ὀψά* contingit. In utero vero clausura seorsim ingressus & egressus est prohibitus. Egressus mensium denegatus non solum cum suppressione alia communia habet signa, sed etiam propria, dolores pudendorum & naturalium reliquorum, lipothymias, anxietates, & inprimis si nunquam fluxerint.

Idem dictum esto de singulis eorum classibus. Præsentem enim læsione tali morbosa in conformatione necessum est, symptomata omnis generis, actionum læsarum, pro cuiusvis partis modulo, qualitatum mutatarum & excretorum & retentorum consequi, quæ facile per se clarent.

PROGNOSIS etiam delibanda venit, ex diagnosi comparata, ad vires & statum machinæ vitalis. Hanc enim si ex suis oculis lustremus, SALVTIS & MORTIS ratio patet ex regulis mechanicis, seu dictæ mediæ conformationis intuitu.

Vti ergo vel absolute ad vitam & sanitatem sunt necessariae portæ, orificia, quibus ingressus & exitus absoluitur, vel saltem ad bene esse, prout item vel individuum vel speciem concernunt; ita iudicium ferendum de atrektorum præsagiis.

Ingressus quidem seu admissio denegata aeris vitæ non obest, ut in aurium & oculorum coalitu, actio tamen læsa præsto est, vel curabilis, vel incurabilis, abolita vel imminuta. Sin anus imperuius, vel reliqua orificia dimissoria, nulla arte reparabili malo, & ex toto quidem, mors præsentanea timenda & prædicenda; si vteri clausura insuperabilis, si non periculum vitæ, certa tamen sterilitas arguenda.

Liceat hic iterum laudare locum insignem *Philosophi de hac ipsa parte l. 4. de gener. animal. c. 4.* per interpretem latinum ita redditum: Fœminis nonnullis os vteri compressum, (coalitum potius, *συμπεφυκός*,) corporatumque ab incunte ætate ad tempus vsque menstruorum perseuerauit, mox vrgentibus menstruis, doloreque infestante, aliis sponte disruptum est, aliis dissectum a medicis. Nonnullæ interierunt, cum aut per vim disrumperetur, aut disrumpi non posset.

Addit: pueris etiam quibusdam genitalis extremum & meatus, qua excrementum vesicæ transit, non eodem tetenderunt, sed infra meatus ille transegit. Imo & anum coaluisse quibusdam bestiis, ut ouibus, & quibusdam aliis. Nam & vaccam fuisse Perinthis, cui cibi excrementum per vesicam transmittebatur, dissectusque anus denuo propere coalescebat, nec ressecando vitium deuincere poterant.

Confirmat *idem l. 10. Hist. Anim. c. 4.* sunt, inquit, nonnullæ fœminæ, quibus a principio sui ortus matricis oræ modo quodam coaluere. Aliis propter cuiuspiam morbi vim ita euenit; qui morbus in nonnullis sane medicabilis est, in aliis non item.

Ex his sane, si non omnia, saltem pleraque, quæ hinc a recentioribus sunt observata, dudum claruisse apparet, & maxime circa prognosin ipsam. Ratione SALVTIS & MOR-
TIS, vt aliæ obstructions etiam morbos acutissimos & breui mortem inferre possunt, ita & clausura hæc, vel ileo, vel, regurgitatione ad vitalia pertingente, suffocatione.

Neque longius vita perstare potest, nisi vel aliorum vicariam viam suppleuerit natura, vel robore eiusdem ad aliquot dies producat. Tacemus hinc vias alias pro alui fecibus, pro vrina & sic porro ex alienis locis observatas, vt iam ex *Philosopho* instar omnium locum laudauimus. Vid. *Minadous l. c.* *Schenckius in obseru.* *Moronus in director. med. practico*, & alii passim. Adeoque status hic, si tolerabilis, & curari non possit, *συμφορον συνιστάται, commoritur.*


MODVS EVENTVS ad salutem terminatur, libertate naturali concessa, & reddita; ad mortem, denegata serius ocysusque, prout clausura hæc vel inter morbos acutos ambulat, vel, pro re nata, chronicos, vel medios quoque ipsos. Exemplum, ita totum os coaluisse, & clausum denuo tandem mansisse, licet semel iterumque per incisionem, apertum, mortemque intulisse, habet *Horstius l. 4. obs. 55. p. 258.*

Ceterum de *ατρεσία* accidentali, & vna menstrua, unde non temere omnem atresiam, quæ infantibus puellisque euenit, pro periculosa habendam esse, declaratur, & ab excoriatione oriri ac repullulare posse, elegantem locum vid. apud *Pechlinum l. 1. obs. 25. p. 58.* Legi etiam meretur *Ephemer. Germ. Dec. II. Ann. VI. obs. 58. p. 138.*

CAPVT VI.

De

Curatione.

 Vm omnia haecenus dicta propter certum finem, tollendi nempe coalitum & clausuram in atretis, instituta sint, merito CVRATIONEM hanc secundum methodum medendi aggredimur, indicationibus demonstratiuis innixam, & indicatis debitis absolueudam.

INDICATIO CVRATORIA, quæ morbum ipsum respicit, alia generalis laudari potest, alia specialis, ne specialissimam, pro cuiusvis partis vel individui quoque modulo attendendam, memoremus.

Generalis respicit summum genus, & vt omnis obstructio apertionem indicat, subalterna & specialis causam specialem, quod scilicet coalitum est, id diuidendum, quod clausum, referandum, quod incarceratum & imperuium, dimittendum est.


PRÆSERVATORIA respicit causam, seu natiuam, seu adscititiam & morbosam, vndeunque ortam, quæ nisi auferatur, saltim non constans fit & consequitur apertio.

VITALIS consulit vrgentiæ forte occurrenti & symptomatibus consequentibus, dolori, hæmorrhagiæ, inflammationi, vel quæ alia euenire possunt, saltim quantum possibile est.

Ex FONTIBVS PRÆSIDIORVM, seu indicatorum, princeps & optime ex usu hoc loco est CHIRVRGICVS. Hic enim vel solus sufficit, vel reliquis saltim antecellit. Enimvero præsentanea *Aggriēōd* referendus est coalitus, & tollenda clausura; cum distinctione tamen, tum partium affe-

sta-

etatum, tum apparatus. In genere ubicunque obuia est clausura, apparens sensibus, si membranacea, tenuis & pel- lucida, vel quasi, in omnibus velut speciebus, vna simplex sectio sufficere potest, exigua vel nulla differentia.

Exemplo sit auris *argent* , perforatione & vacuo spatio carens, eiusque, iuxta *Celsum l. c.* curatio, quæ ipsa facile ad reliquas species applicari potest. Si alte est, *in-* quit, prementi non cedit: Si in summo, specillum facile recipit. Illud attingi non oportet, ne sine effectus spe di- stensio oriatur neruorum, & ex ea mortis periculum sit. Hoc facile curatur. Nam qua cauum esse debet, vel me- dicamentum aliquod imponendum est ex adurentibus, vel candente ferro aperiendum, vel etiam scalpello incidendum.

His ipsis & sequentibus vniuersam, singulis applican- dam facile, curationem explicat. Adeoque vel minori, vel medio, vel maiori apparatu absoluitur, addita etiam differentia, vel obseruatione partis affectæ. Simplicissima est, & minimi apparatus SECTIO, vel diuulsio, *Aligeeis*, modo prouide fiat.

Hoc sensu, verbis *Ebn sine*, curatio clausuræ (puden- di muliebris) est cum ferro, & non cum alio. Hinc le- gas sæpius obseruationes, curatos atretos sola hac, nulla quasi mentione plurium, reliqua enim fere, *ὅτι τὸ κοινὸν*, minimum supponuntur. Infans nostra memoria, cum a- num clausum haberet, matura animaduersione, & sub lau- data ratione, cum vestigium velut cicatriculam reliquisset natura, sola lancetta fissura facta, curatus est a morbo. In alio cum id neglectum esset, mortuus est infans, post v- num alterumque diem, iliaca passione correptus.

Valet id imperfecta clausura, seu omnimoda, totali, non minus ac imperfecta, quamuis in hac longe facilius.

Vtriusque exemplum legi potest, de vulvæ clausæ apertione, apud *Moinichen Obseru. med.* 13. p. 247. annexis *cultro anatomico Lyseri*, & in prima quidem historia, vbi a primo ortu clausa, cum exiguo tamen foramine, vix pisum capiente, pro urinae & mensium egressu, conceptione nihilominus facta, a chirurgo, ne in partu tandem grauius periculum subiret, vnita labia sectione chirurgus diremit. Ipse vero idem autor ab ortu vnita vulvæ labia in tribus puellis Romæ sectione curauit.

Notauimus typographi cuiusdam coniugem sterilem in vrbe primaria hoc pacto curatam & restitutam. Plura hinc inde quoque relata & notata leguntur; vid. *Schenck. obs.* p. 565. Maiori vero apparatu opus videtur, quando minus extimis oris accessus, conspectus & contuitus datur. Non opus vero est, vt his recensendis immoremur longius & fusius; sufficit id fieri debere lege artis, cum debito pudore, & modestia, in latebris pudendorum. Fusius vero *εγχειριον* hanc tractat *Ebn sina peculiari capite*, *Wierus in obseru.* & alii, antiqui & moderni, a quibus illa & similium repeti potest medendi ratio latius.

Hic vero addi & attendi possunt quædam merito. Et primo quidem de quæstione, an atretæ, imperforatæ & laborantes corporis arctitudine, teneantur incisionem, aliudue instrumentum etiam dolorosa cum apertione corporis pati.

Affirmatiue respondendum non facile dissenserit, qui partim necessitatem absolutam considerauerit, ad emittendum concretum & collectum sanguinem, vel materiam aliam ad seruandum *individuum*, ceteris præsidiis frustra adhibitis; partim secundum quid, ratione *speciei* ad concipiendum, generandum & pariendum, aptanda sic foemina, adeo-

adeoque coniugii finem impetrandum, vel dissoluendum quoque, si quidem id desiderauerit pars altera.

Quam ob rem etiam in foro, in utroque sexu, quandoque idem a medicis & chirurgis inquirendum, decidendum, vel definiendum est utique, ad iussum magistratus, consensu præuio & comite, ut omnia fiant decenter, καὶ τὰ ἔτι καὶ εὐχρημοσύνην.

Instar omnium de his legi meretur *Michael Boudevyns* (Balduinus) in *ventilabro medico-Theologico part. 2. quest. 19. p. 404.* ubi & plures alios citat, qui de his egere.

Porro non nisi ad maiorem apparatus spectat *speculum uterinum* dictum, id quod tamen magis ad diuidendam & ampliandam cavitatem, quam explorandam videtur applicandum. Quod enim fieri per pauca potest, id, ut per plura fiat, non attinet; ut in quampluribus operationibus chirurgicis idem verum est omnino. Et sic quoque minus id terrificum est, apud Germanos præsertim. Ceterum hoc ipsum, & plura alia huc pertinentia, describit *fusus Wierus in observationib. l. 1. p. m. 934. seqq.*

Utut vero &, præter ferrum, ignis mentionem faciant autores, ut ex *Celso* diximus; attamen adustione quoque hac actuali rarius utimur, nisi forte ad impediendam recidiuam, seu continuatum coalitum, ea quis utendum putet, quo tamen carere possumus facile; vel aliud quid urgeat singulare, ut in excrescentiis repullulantibus, venereis puta, & similibus aliis.

Et tanto quidem magis hæc valent, quanto facilius vel digitus explorat, & ipse sensu tactus præditus, quod in nullo instrumento admissio vel immisso inuenitur, specilli dilatatorii, aut scalpelli etiam vices gerere aptus natus. Attamen & in hoc cauendum est, ne temere ruptio vel

vel dilaceratio fiat, sed omnia tuto eueniant, citra periculum, nec remedium sit grauius morbo, vel omnino mortiferum.

Idem de sectionibus dicendum quibusuis. Hinc prudentissime respondit Facultas Medica Lipsiensis, non fieri illam debere in intimiori proposito casu apud *Ammanum*, cum ipsum potuisset sic orificium vteri internum improuide & periculosissime lædi.

Instrumentum ad sectionem constituit vel lancetta hodie, vel cultellus gamoides, seu falcatus, vel nouacula ipsa, vti ex *Wier. l. 2. de prestigiis dam. c. 38. Sennertus* duo exempla refert atretarum, vnius spontanea ruptura onerosi & obstructi sanguinis exitu liberatæ; alterius, vbi nouacula clausura aperta supra octo libras sanguinis atri profluxere. Vid. eundem ipsum *l. c. obs.*

Modus fit vel per longum, in linea recta, quod facilius, vel decussatim, vt quibusdam placuit. Punctura vero cum acu apud *Sculcetum armament. chir. obs. 67.* in clausura ani ab anu quadam administrata, cum grano salis accipienda, in qua hinc, quod & de aliis valet, turundis ex radice gentianæ ad dilatationem vsa fuit.

Enimuero & de hac dicendum venit, si prius illud addiderimus, indicationes esse easdem, & methodum medendi generalem, cognita vero hac pro diuersitate subiecti, ætatis, personarum, circumstantiarum, committenda esse reliqua medici & chirurgi præsertim prudentiæ. Variat enim atreta quoque ab atreta, non solum ratione generis, sed & reliquorum dictorum.

Quod itaque dilatationem concernit, conuenit apud autores, diduci & ampliari cauitatis debitæ præclusum vel arctius spatium, tum laudata radice gentianæ veræ, cui no-

stra-

strates spuriam substituunt, libanotidis Theophrasti albæ, vel pessos etiam alios, ex spongia compressa, *Quellmâussel* vocant vulgo. Vt tamen verum fateamur, confidentiorem paulo illa admissionem requirunt ægræ, quæ ipsa retulerit & patiatur plenius, quod pleræque auersantur.

Idem valet etiam de aperta seruanda dissecta parte, ne denuo, vt fere fit, coalescat & actum agere teneatur artifex. Hanc in rem interstingenda sunt loca patula redita sedulo, ne recidiuet malum, vel coalescat plenius omnino, frustra hinc speranda vltiori cura. Hoc ipso vero pacto, vt contiguitas, ita continuitas optime prohibetur, siue id lamellis, seu turundis, seu aliis modis perficere liceat, siue etiam cathæreticis, leniter exedentibus & exiccantibus ipsis.

Præcipit hinc, & commendat *Cous* ad membranam auferendam vsum floris æris, vel viridis æris in pesso, id quod alias ad carunculam in vrethra absumendam, pro impediendo coalitu, etiam in vfu est, vt mercurius quoque dulcis, & similia. Alibi vero addit & fel tauri, & pinguedinem serpentis, cum melle & aliis remiscendo, & in lana & bysso indendo.

Inter reliquas omnes species difficillimum id est, in coalitu palpebrarum, illo quidem, quando albo ipsius oculi palpebra inhæsit, adeo, vt *Celsus* sic restitutum neminem meminerit. Et antiquus autor *Meges* ab eodem laudatur, multa se tentasse professus, neque vnquam profuisse, quia semper iterum oculo palpebra inhæserit, l. 7. c. 7. In causa est quies, in somno concessa necessario, vt quod per diem secessit, nocte coalescat denuo; accedit humiditas etiam maior, partium teneritudo, & alia.

E

Sed

Sed quod carunculam, seu excrescentiam attinet, illius & sectio & absumptio, quoad coalitum puta, si non impossibilis & frustranea, si grauior sit, ut plurimum, saltem longe difficilior & grauior existit, natiua monstrosa que, neque cavitatem pone se habens. Ab ulcere vero coorta facilius absumitur, utrobique cauendum, ne urinae iter laedatur, cauendi nervi & muscoli. Tacemus linamenta, plumbeas lamellas, vel tubulos, ad cicatricem callumque debitum inferendum, aliaque huius commatis.

Vti vero aliae species omnes ex hac idea methodica tractandae sunt, mutatis mutandis; ita aequipollet carnositati huic, imo peior est coalitus plane centralis & imperuius, a natura factus. Quandoquidem enim partim inaccessus est talis coalitus, &, inuita natura ac renuente, sectio, pertusio minus suadenda, ipsumque remedium grauius morbo, nec sine praesentaneis symptomatibus & vitae periculo id tentandum, praestat manum de tabula, seu abstinere potius, & agrum prognostico relinquere.

Sic & quod *Aegineta* suadet, si penis urethra ad latus deuiet, glans non amputanda est, non sperando effectu desiderato & illo casu; nec ex fistula, seu exitu alio, loco natiui, destinato & iam consueto, temere urethrae producendae pertusione quacunque via quaerenda est.

Quae vero hic desiderari forte possent plura, ab autoribus, chirurgicis & medicis observationibus, huc facile possunt suppleri, ne longius scopo dimoueamur, vel diutius debito immoremur huic operae. Praesens enim institutum non patitur omnium specierum curam & tractationem perstringere, adeoque ceteris ex oculis suis peti queunt.


Ex fonte vero PHARMACEVTICO pauca suffecerit delibare,

bare, vel causæ debita, illa fouenti, vel morbo, in subsidium chirurgiæ, curando secundario. Maxime quoad totum hic respiciendum fuerit ad scorbutum, & luem veneream, exindeque oriundam, vel comitatam, cacochymiam: siquidem ad vlcera, ad coagula & viscedinem mirum quantum disponunt; eaque itidem e suis loculis arcescenda. Quoad topica vero seu localia, traumatica, exedentia, adstringentia, epulotica, aliaque corrigentia, vel verbo tetigisse sufficiat.

Sequitur easdem leges & DIÆTA, curationi accommodanda, ne erroribus illius contra eatur. Et hæc ipsa tamen, cum non nisi indirecte, & remotius huc spectet, non eget vltiori recensione. Satis sit commen-

dare πάντα μέγιστα.

SOLI DEO GLORIA.

~~~~~  
 Vm problema Tibi quærendum strictius esset,  
 Problema Hippocratis cordi animoque  
 fuit.

His meritis, aliud capiti præclarius addet  
 Purpureum docto noster Apollo Tuo.

*Ita*

*Nobilissimo Dn. Doctorando animi-  
 tus applaudit*

## PRÆSES.

*Atretis*



**T**RETIS methodo qua praestet ferre levamen,  
 Evolvit scriptis, hodiernum à nemine tritis.  
 Laudibus hinc dignum Te precinit ipse Apollo,  
 Quis mox accedant, exopto, premia iusta.

JO. HADRIANVS SLEVOGTIVS,  
 D. P. P. & Med. Duc. Provinc.

**V**T diros perdat morbos, & consulat ægri  
 Vitæ, BERTRAMVS promptus ad arma  
 vocat

Naturæ tria regna, artes, divamque Mathesin,  
 Lætum classicum ovans dum Meditrina canit.  
 Applaudunt Musæ: Feliciter omnia cedant,  
 Sit fructus belli, gloria, multa salus.

*Nobilissimo Dn. Doctorando, suo hactenus in  
 Mathesi & Physicis Auditori, Fautori  
 plur. honorando, de exantlatis laboribus  
 Academicis gratulatur, & felicem praxin  
 Medicam ominatur*

GEORGIVS ALBERTVS HAMBERGER,  
 Mathem. & Natur. Prof. Publ.